

普通之習從立春節居住所忌避也。一說云、今所渡住之全過四十五日之後、自件所可忌避、凡領地之內、雖當禁忌方、他人犯土造作不可忌避云々、雖郭邑之內不可忌、但可忌土氣法云々、是宗明朝臣之說也、假令大將軍王相在南方之時、不論遠近領地、可在南伴地奴婢之類、可致犯土之時事也、近邊之時、可忌土氣之法也、

〔五行大義〕五第二十三論諸人就此分爲二段、略○中 第二者論人遊年年立、

遊年凡有三名、而爲二別、三名者、一遊年、二行年、三年立、遊年之名皆以運動不住爲義、以其隨歲行遊不定一所也、年立卽是行年、立者是住立爲義、以其今年立於北辰也、就人而論、常行不息、故謂曰行、就歲而論、今之一歲年住於此、故謂之立、二別者、遊年從八卦而數、年立從六甲而行、六甲者、男從丙寅左行、女從壬申右轉、並至其年數而止、卽是行年所至立於其處也、若欲算知之者、男以實年加二算而左數、女以實年加一算而右數、並從甲子旬始盡其算、卽是立處也、所以男從丙寅數、何者日生於寅、日爲陽精、男從陽、故取日丙爲大陽、故取丙以配寅、女從壬申數、何者月生於申、月爲陰精、女從陰、故取月壬爲大陰、故取壬以配申、陽故左行、陰故右轉、

〔二中歷五八卦〕傍通略○中

遊年	離	坤	兌	乾	坎	艮	震	巽
禍害	艮	震	坎	巽	兌	坤	離	乾
絕命	乾	坎	震	離	坤	巽	兌	艮
鬼吏	坎	震	離	巽	坤	離	乾	兌
生氣	震	艮	乾	兌	巽	坤	離	坎
養者	坤	離	艮	坎	乾	兌	坎	離
天醫	兌	巽	離	震	艮	坎	乾	坤